

PÊÔ YA BATI AKONE

 Mme, ke gore, gore santlha ke pêô ya batiakone bangwe mo kerekeng. Mme kereke ya rona e nnye fano e a ipusa. Ga e na lekokoko lepe kgotsa sepe go romela batiakone ba yone, e itlhophela batiakone ba e eleng ba yone. E itlhophela modisa phuthego wa yone, e itlhophela batshepegi ba yone, e tlhophpha sengwe le sengwe se se tsenang le se se tswang mo kerekeng. Ga go motho a le mongwe yo a nang le taolo mo go sepe, ke kereke. Mme kereke ke bao ba ba tllang mme ba etleetsa kereke ka go nna teng ga bone, ka ditsabosome tsa bone le meneelo, ke bone ba ba tlholang ba na le ttlelelo ya go bua ka fa molaong mo pêông ya ba ba jalo.

² Mme ke batla go leboga lekgotla le le fetileng la batiakone, mme ke go bua go tswa fano e le ga kereke yotlhe. Fa bape ba bakaulengwe bao ba le fano, ba e neng e le Mokaulengwe Cox, Mokaulengwe Fleeman, le Mokaulengwe Higginbotham le Mokaulengwe Deitzman, ba re neile tirelo e e molemo, ba neile Morena, mo motlaaganeng ona.

³ Mme gangwe le gape, go ya ka melawana ya kereke, ngwaga nngwe le nngwe, batiakone kgotsa batshepegi ba tlatsa nako ya bone ka go itirisa. Mme fa ba batla go boa, go siame. Fa ba sa batle go boa, go raya gore ba ka baya mongwe mo mannong a bone, a lekgotla lena le a rotseng marapo.

⁴ Mme maloba bosigo ke ne ka bitsa lekgotla la batshepegi, mo e leng gore go na le lekgotla le lešwa la batshepegi. Ke lemogile Mokaulengwe Luther McDowell fano bosigong jono, re itumetse go mmona, yo pele a neng a le mo lekgotleng la batshepegi. Ke ne ka ya kong bekeng ena go batlisisa le go tlhola mo go direng gore khopi e jaaka senepe e dirwe, e tlaa neelwang kereke, gape. Eleng gore batshepegi ba kereke jaanong ke Mokaulengwe William Morgan, Mokaulengwe Mike Egan, le Mokaulengwe Banks Wood, le Mokaulengwe Roy Roberson. Mme bone botlhe ke ba motse ona, ko ntengleng ga Mokaulengwe Roberson yo o nnang magareng ga metse e mebedi. Morena o bone go tshwanela mo banneng bao, mme e ntse e le banna ba ba tlötlegang, mme jaanong ba amogetse maikarabelo e le batshepegi ba kereke ena.

⁵ Mme fong erile bokopano jona bo ne bo tsweletse, mme ne ka bolelwaa ke mothusa modisa phuthego gore rona, go tlhopheng lekgotla le lešwa la batiakone, gore bana ba digetse nako ya bone ebile—ebile ba rotse marapo, fong e ne e le go tlhophpha batiakone ba bangwe. Jaanong, kereke... Tsela e mona go dirwang ka yone, ke gore, lekgotla le ka tlhoma batiakone, monna yo ba dirisanyeng nae mme a fitlhetswe go bo e le monna yo o tlötlegang le yo o tshiamo.

⁶ Tiro ya motiakone ke tiro e e botlhokwa, le tlota e kgolo mo Moreneng go nna motiakone mo kerekeng. Mme jalo he, mo bokopanong maloba bosigo, monna mongwe o ne a nankolelwka ko go nna. Mme erile ke kopane le modisa phuthego, le le latelang... Labotlhano yona yo o fetileng, mo go neng go dumalanwe ke monna yona gore bana e ne e le banna ba ba tlotelegang le ba ba tshiamo.

⁷ Lekau lengwe le ba neng ba le bone, o ne totatota a sa tshwanelwe (eseng ka ntata ya gore e ne e se mohuta o o tshwanetseng wa monna), ene yo neng a kailwe ke mongwe wa banna ba ba tlotelegang wa lekgotla la rona la batshepegi. Fela e ne ya re modisa phuthego le nna re kopana, mme ke ne ka botsa dingwga tsa lekau, o ne a le mo go tsa gagwe go tswa mo go di le masome a mabedi. A tlotelega, a le tshiamo, ebile e le monna tia, fela ra fitlhela gore o ne a sa nyala. Baebele e tlhoka motiakone gore e bo e le monna yo o nyetseng. O tshwanetse a nne monna wa mosadi a le mongwefela.

⁸ Mme fong monna yo mongwe yo e neng e le monna yo o tlotelegang thata, a tshwanelwa thata ke tiro ebile ne a tlaa bo a dirile monna yo o ikanyeegang, jaaka mokaulengwe a ne a mo kaile. Ke gone morago ga go sekaseka kgang, gore mokaulengwe o fetsa go tla mo Tumelong ena sešeng, mosadi wa gagwe ga a dumele mo go Yone. Fong moo go ne ga paledisa monna yo go tshwanelwa ke tiro. Ka gore o tshwanetse a nne le lelwapa lotlhe la gagwe mo kutlong, ba tshwanetse gape ba nne mo Tumelong, ka gore e tlaa nna kgotlhlang.

⁹ Mme re a aga jaanong, mme re eletsa go tlhomamisa kereke ena. Mme jaaka mookamedi wa kakaretso wa kereke, ke tshwanetse ke bone gore e tshegetswa, ka fa Dikwalong, sengwe le sengwe gone mo Lefokong.

¹⁰ Mme jalo he ka moo, fong, go ile ga fitlhelwa go lettelesega ka lekgotla le modisa phuthego, le mookamedi, go kgetha setlhophha sena sa batho fano banna bangwe ba re akanyang go bo e le banna ba ba tlotelegang ebile e le basiami. Re ka kgona fela go ba tlisa. Mme ke, fong, bone ba tlhomiya ke kereke, ka tlhopho e e leng ya bone. Mme fong banna bana ba tla direla, fa ba ikutlwa gore ba tlaa amogela tiro ena. Fong ba tlaa tla ba tlela nakoo e khutshwane, go bona fa e le gore ba ikutlwa gore gongwe Modimo o ba biditse. Mme fa morago, fa ba ikutlwa gore ga ba tshwanelwe, fong, ba na le tshwanelo mo dibekeng tse di latelang di le mmalwa go ithola marapo a tiro, gore mongwe o sele a kgone go tlhomiya mo boemong jwa bone.

¹¹ Le fa go ntse jalo, kwa tshimologong ya tsosoloso e (fa Modimo a ratile) ke batlang go e tshwara fano mo motlaaganeng ona ka bonako fa ke sena go bona boikhutso, fong ke—fong ke... re tlaa tshwaela batiakone bana ka go bewa ga diatla, batiakone le ramatlotlo mo kerekeng ena. Fela santlha ba tshwanetse ba

tlhomowiwe mme—mme go bonwe ka fa ba go ratang ka gone le ka fa phuthego e go ratagang ka gone. Fong fa go—fong fa go siame mo mathakoreng oomabedi, fong re dire banna bana batiakone ba ba tshwaetsweng, fela jaaka Batshepegi ba tlhophiwa ka tsela e e tshwanang.

¹² Ke go ipusa le molao wa kereke, ka Lefoko la Modimo. Ke gone ka moo, gore, bone fela ga ba kake ba re “ke akanya gore monna yona o tlaa bo e le monna yo o maleba,” moo ga se gone, “Mokaulengwe Neville o akanya gore monna yona o tlaa bo e le monna yo o maleba,” kgotsa “lekgotla la batshepegi le akanya gore monna yona o tlaa bo e le monna yo o maleba.” Go tshwanetse go nne ka kereke! Ga go ope yo o dirang sepe ka boene fano. Ke tlhopho ya kereke. Ke kereke e e ipusang.

¹³ Setlhophana sa kgale sa melawana se ne sa senngwa ke morwalela wa 1937. Re dirile gape khopi ya eo, mme e tlaa kaletswa mo lomoteng fano segautshwaneng, ditiro tsa batshepegi, batiakone, boramatlotlo, le jalo jalo, modisa phuthego, bathusi, le jalo jalo.

¹⁴ Ka letlhogonolo la Modimo, ke ne ka bolelelwa, le tlhopho ya lekgolo mo lekgolong ka lekgotla la kereke ena, gore ba bone gore Mokaulengwe Hollin Hickerson go bo e le monna yo o tshiamo, yo o tlotlegang, ebole a lebaganwe mo maemong ana go amogela tlo—tlotla e kgolo ya go nna motiakone wa motlaagana ona o o bolelwang.

¹⁵ Gape, re fitlhetse, mme e le ka tlhopho ya lekgotla, gore Mokaulengwe Collins le ene o fitlhetswe e le monna yo o tlotlegang le wa mosiami. Eleng modiredi, ka boene, ka moo re tlaa mo kopa go tla mme a nne mo—motiakone wa kereke; mme eseng fela motiakone, fela mothusi wa ga Mokaulengwe Neville, ebole koonteng ko mophatong wa sekolo sa Letsatsi la Tshipi, kgotsa a tseye boemo jwa ga Mokaulengwe Neville, kgotsa eng le eng se a se biletswang go nna mothusi wa ga Mokaulengwe Neville. Yoo ke Mokaulengwe Collins.

¹⁶ Mme, gape, kereke e fithetse, go tshwanelo, gore Mokaulengwe Tony Zabel, monna yo o tlotlegang le wa mosiami, mme o bone thekegelo fa pele ga lekgotla la batshepegi le badisa phuthego, go mo kopa go amogela tiro ya motiakone mo motlaaganeng ona o o bolelwang.

¹⁷ Mme gape go ne ga kopiwa, ga ba ga fitlhelwa monna yo o tlotlegang mo gare ga rona... (Eseng... bana e se banna ba le bosí ba ba tlotlegang, jaanong, fela jaaka fela go tlhophilwe ke lekgotla.) Mokaulengwe Taylor go tswa Henryville, kgotsa Memphis, ke a dumela ke gone, Memphis, Indiana. O ntse a na le rona ka sebaka, a dira e le mothusi kgotsa eng le eng mo go ka nnang gone. Gore kereke e fitlhetse a tshwanelega, kgotsa lekgotla le badisa diphuthego, gore a tle a amogela ti—tiro e kgolo jaaka go nna motiakone wa motlaagana ona o o bolelwang.

¹⁸ Mme gape go ile ga kopiwa gore mogwe wa ga Mokaulengwe Mike Egan, Mokaulengwe—Mokaulengwe Bob Harned, o tlhophilwe ke lekgotla le ke badisa phuthego, go amogela tiro e le ramatlotlo wa motlaagana ona o o bolelwang, mo e leng tiro e tlotlegang, mme e tlhoka tshiamiso le tlotla.

¹⁹ Ka go dira sena, ke akanya, bakaulengwe ba me, gore go lo bitseng go tloga fano, gore e tlaa bo e le tlotla e kgolo mo go lona. Mme eseng fela moo, fela sengwe sa go se dira.

²⁰ Ka nako ena ke tlaa letla Mokaulengwe Neville, modiri ka rona, go bala dithhokego tsa motiakone. Mokaulengwe Neville, fa o ka go bala mo Lefokong la Modimo. [Mokaulengwe Neville o bala Timotheo wa Ntlha 3:8-13—Mor.]:

Batiakone le bone ba tshwanetse go nna batho ba ba masisi, ba se diteme pedi, ba sa lemalele bojalwa ebile ba sa bolaelue khumo e e maswe ke pelo;

Ba tshegeditse boteng jwa tumelo ka segakolodi se se itshekileng.

Mme mpe le bone bana ba lekwe pele; fong a ba dirise tiro ya motiakone, fa ba fitlhelwa ba sena molato.

Basadi ba bone le bone ba tshwanetse go nna batho ba ba masisi jalo, ba se bapateletsi, ba le mogopolo o o lekalekanyeng, ba le boikanyo mo dilong tsotlhe.

A batiakone bana e nne banna ba ba mosadi a le mongwe, ba ba laolang bana ba bone le matlo a bone sentle.

Gonne bao ba ba dirileng sentle mo tirong ya motiakone ba iponela boemo jo bo molemo, le bopelokgale jo bogolo mo tumelong e e mo go Keresete Jesu.

²¹ Amen. Ka nako ena ke tlaa kopa bakaulengwe bana ba ba biditsweng, fa fela ba ka tsamela ko pele fano fa seraleng motsotsa fela. Mme jaaka re oba ditlhogo tsa rona motsotsa fela ka ntla ya thapelo, ke ba batla... Mme kereke e itse se mona e leng sone, gore mona ke go tlhophiwa ga lekgotla le e leng la lona la batiakone le ramatlotlo wa lona.

²² Morena Jesu, ke ka go akanya mo go lekalekanyeng, mo go poifoModimo gore re tla mo go Wena jaanong. Re tla ka go tlhompha Lefoko la Gago le le Boitshepo Bogolo, re tla re dumela gore “A lefoko la motho mongwe le mongwe le nne phoso, fela la Modimo e nne boammaaruri.” Mme re Go lebogela Kereke ena e Jesu a e rekileng ka Madi a Gagwe Tota a a rategang, ebile a re neetse kago ena go obamela mo go yone.

²³ Mme jaaka baokamedi ba letsomane le legolo lena, le Mowa o o Boitshepo o re tshwaetseng go nna bone, re leka jaanong go neela phuthego ena segopa sa banna ba ba boikanyego, ba ba tshiamo ba re dumelang go bo ba tletse ka Mowa ebile ba

ipaakanyeditse tiro e. Jaaka go kile ga buiwa mabapi le lekgotla la batiakone, "Yang lo ipatleleng mo gare ga lona, banna ba pego e e molemo ebile ba na le Mowa o o Boitshepo, gore ba tle ba direle ka mokgwa ona, go tlhokomela batlhlagadi le dikhutsana, go aba madi, le go tlhokomela itsholelo ya kereke." Morago mo dingwageng, re fetsa go bala mokwalo wa moitshepi Paulo, yo mogolo yole, yo o tlhotlheleditsweng, yo o tlisang pontsheng polelo ya Dikwalo tsa ditlhokego tsa maemo a jaana.

²⁴ Modimo, tlhomphla banna ba. Mme jaanong ke boikgethelo, Morena, jaaka kereke e e ipusang, jaaka mmele wa Morena Jesu, gore ba dire tlhopho. Mme [Fa go sa theipiwang teng mo theiping—Mor.] . . . mme o tlaa tsamaisa ntsha ena ya tirelo ka tsela e e faphegileng, ka Leina leo le le tshiamo le le le boitshepo la Jesu.

²⁵ Jaanong ka ditlhogo tsa rona di obilwe, eseng fela ditlhogo tsa rona fela dipelo tsa rona, mme jaaka leloko lengwe le lengwe la kereke ena, le le tlhang fano ka malatsi otlhe ebile o e etleetsa ka ditsabosome tsa gago le meneelo, mo go kaiwang e le leloko la kereke ena, fa modisa phuthego le nna, re le nosi, re leba, modiri ka modisa phuthego, Mokaulengwe Neville, le nna re tswelela go leba, ke tlaa botsa fa e le gore kereke ena e fitlhela Mokaulengwe Taylor go bo e le monna wa mosiami ebile a tlhophega, ka bojotlhe jwa go akanya ga lona, go nna motiakone mo setlhopheng sena sa batho? O tlaa kaya mo go tshwanang ka go tsholetsa seatla sa gago. [Mokaulengwe Branham o ema nakwana—Mor.] Go siame. Jaanong fa go na le ope yo o ganetsang, a o tlaa tsholetsa seatla sa gago. [Mokaulengwe Branham o ema nakwana—Mor.] Ke a leboga.

²⁶ A ope wa maloko ana a kereke ena fano o fitlhela . . . le botlhe, a le fitlhela Mokulengwe Hollin Hickerson go bo e le monna wa mosiami le yo o tlategang, ebile e le monna yo o fitlhetsweng mo matlhong a lona a tshwanelwa ke go nna motiakone wa kereke ena e e bolelwang? A o tlaa kaya ka go tsholetsa seatla sa gago sa moja. [Mokaulengwe Branham o ema nakwana—Mor.] Fa go le kganetsanyong, fong o tsholetsa seatla sa gago. [Mokaulengwe Branham o ema nakwana—Mor.]

²⁷ A phuthego ena e bona Mokaulengwe Collins go bo e le monna wa mosiami ebile a tlatega, go tshwana, ebile a tshwanelwa ke tiro ya go nna motiakone wa kereke ena? A o tlaa tsholetsa seatla sa gago. [Mokaulengwe Branham o ema nakwana—Mor.] Go siame. Kganetsanyong, a o tlaa tsholetsa seatla sa gago. [Mokaulengwe Branham o ema nakwana—Mor.]

²⁸ A phuthego ena e bona Mokaulengwe Tony Zabel go bo e le monna yo o tlategang ebile a tshwanelwa ke tiro ena, a go nna motiakone wa letsomane lena mo kerekeng ena e e bolelwang? A o tlaa tsholetsa seatla sa gago sa moja. [Mokaulengwe Branham

o ema nakwana—Mor.] Kganetsanyong, a o tlaa tsholetsa seatla sa gago. [Mokaulengwe Branham o ema nakwana—Mor.]

²⁹ A phuthego ena e ikutlw Gore Mokaulengwe Harned ke monna wa mosiami le yo o tshiamo, yo o ntseng a na le rona ka lobaka, go nna ramatlotlo, ramatlotlo wa mokwaledi wa kereke ena, go tshola madi a yone le go duela dikoloto tsa yone? Fa go le jalo, tsholetsa seatla sa gago sa moja. [Mokaulengwe Branham o ema nakwana—Mor.] A go na le ope yo o ganetsang, tsholetsa seatla sa gago sa moja. [Mokaulengwe Branham o ema nakwana—Mor.]

³⁰ Ke eletsa go bolelela ba—bakaulengwe ba ba emeng ka nako ena, fa dinaong tsa mokgoro ona, gore kereke ena, ka lekgolo mo lekgolong (go se ope gotlhelele yo o ganetsang), e le fitlhela lotlhemo mathlhong a Modimo le tshwanelwa ke tiro ena gore Modimo o lo biditse.

³¹ Jaanong, lona, jaaka go builwe, “Mpe bana ba lekwe pele, mme go bonwe fa e le gore ba eletsa tiro ena.” Mo teng ga dibekedi le mmalwa, fa Modimo a ratile, ke tlaa boa go baya diatla mo setlhopheng sena sa banna, go ba dira batshe... kgotsa batiakone ba semmuso ba kereke ena, le ramatlotlo.

A re obeng ditlhogo tsa rona motsotso fela:

³² Morena, re itumetse bosigong jono gore go santse go na le banna mo lefatsheng ba ba kgong go tsamaya ka poifoModimo mo pele ga lefatshe; ba le poifoModimo thata gore motlaagana, ka melao e e gagametseng jaaka ona o na nayo, o kgona go tlhophela banna ba le batlhano mo maemong e le baeteledipele ba bone, ntleng ga tlhopho e le nngwe kganetsanyong. Re ba itumeletse, ebile re ikutlw Gore O ne o na le rona mo go direng ditshwetso tsena, lekgotla le rona badisa diphuthego.

³³ Modimo, segofatsa banna bana. Mme mma ba direle tiro ena ka pelo ya bone yotlhe, ba itse gore ba iponela boemo jo bogolo ko Legodimong. Motsimongwe fa Dibuka tsa Legodimo di tla tswalwang, mma Buka ya ditshedi tsa selegodimo le mo Bukeng e kgolo ya Legodimo e bulwe, mma maina a bone a nne lekgolo mo lekgolong fa pele ga Modimo le Mmoloki le masomosomo otlhe a Legodimo, gore ba tshwane mo Bogosing jwa Gagwe. Ba segofatsse, Morena, mme mma ba direle tiro ena sentle. Ka Leina la Jesu re a Go ba lebogela. Amen.

³⁴ Ke batla fela go dumedisa diatla tsa lona, [Mokaulengwe Branham o dumedisa diatla tsa bone—Mor.] Mokaulengwe Harned, le Mokaulengwe Zabel, le Mokaulengwe Collins, Mokaulengwe Hickerson, le Mokaulengwe Taylor. Ke itumetse thata go itse gore re abalane nako yotlhe ena le banna ba ba tlötlegang jaana. Modimo a le segofatseng jaanong. Mme re tlaa le bona gone ka bonako, fa fela ke sena go nna le boikhutsonyana, go boa, mme ke bone ka fa lo ratang tiro ya lona ka gone. Go

siame, ka tlhopho ya bone, ke akanya gore e ne e le lekgolo mo lekgolong, go sena kganetsanyo gotlhelele.

³⁵ Ao, a ga lo itumelele gore lo dirisanya le batho gompieno ba ba kgonang go tshela fa pele ga Modimo, ka poifoModimo, mme ba tshele fa pele ga lefatshe lena la segompieno mo seemong seo? Ke selo se se ntle thata.

³⁶ Mme ke itumetse thata go itse bosigong jono gore ke na le tshiamelo ya—ya go nna le banna bana le kereke ena gore e bo e le ditsala tsa me. Ke itumetse thata gore Modimo o ntetile gore ke dirisanye le Kereke ya Gagwe gongwe le gongwe mo lefatsheng. Ao, bone ba a nyatsiwa eibile ba a ganwa go bile go buiwa ka ga bone, mme jaaka ke buile mosong ono mo molaetseng wa me, gongwe badubi fela ba seretse, tsela e lefatshe le ba lebelelang, e le “segopa sa digogotlo,” fela Modimo o ba lebelela e le bana ba Gagwe. Ke itumeletse seo thata. Ba ka tswa ba sa kgone go go bolelela gore ke dimmaele di le kae go ya ngwedeng. Ba ka tswa ba sa kgone go go bolelela tsaimasano yotlhe ya letsatsi le dipolanete le ka fa go berekang ka gone. Fela go na le selo se le sengwe se ba se itseng, ba itse oura e ba neng ba tsalwa sešwa ka yone. Ke ba itumeletse thata.

³⁷ Mme jaaka setshwantshonyana se ke se ithutileng, mme ke ile go se amanya bosigong jono le basetsanyana ba me ba babedi gore ka mokgwa mongwe ke go dire gore go goroge gae mo go rona, go go dira gore go nne boammaaruri mo go rona, gore lo tle le tlhaloganye bokao jwa teng. Moso mongwe, ke neng ke tsoga mo bolaong... Ke na le basetsanyana ba le babedi. Mongwe wa bone ke Rebekah, mme mongwe wa bone ke Sarah, mme bone ke basetsanyana ba ga ntate.

³⁸ Mme ke na le mosimanyana, Joseph. Ke ne ke tswa ko Chattanooga, mo bokopanong bosigo bongwe, fa ke ne ke santse ke le koo mo letsholong lena la bofelo. Mme ke ne ke le mo ko—koloing, ke tsamaya mmogo le morwaake yo motona, Billy. Mosadi wa gagwe le Meda ba ne ba le mo koloing, le basetsana. Mme jaaka re ne re kgokologa mo tseleng, ga go ope yo neng a buile sepe diboloko di le mmalwa tsa motse. Mme ke ne ke kgemethile ka mašetla thata mo bathong bosigo joo ka ga tsela e ba neng ba dira ka yone. Mme ga go ope yo neng a buile sengwe. Mme Joseph yo monnye ne a atamela mme a ntshwara ka legetla, o ne a re, “Ntate, wena ruri o rerile bosigong jono!”

³⁹ Mme mosong ono, jaaka ke ne ke emeleta mme ke ya ko Eighth and Tenth Street, mo...kgotsa Penn and Tenth, ke raya moo, ga go ope yo neng a buile sengwe, mosadi le basetsana ba babedi. Joseph yo monnye o ne a tshwara legetla la me gape, o ne a re, “Ntate, gore, nna ruri ke ratile therio ele mosong ono,” o ne a bua.

Ke ne ka re, “Sentle, ke na le monkemanokeng a le mongwe, yoo ke morwaake.”

⁴⁰ Mme mo polelonyaneng ya rona. Ke tsogile moso mongwe, ke ntse mo kamoreng, Becky yo monnye ne a tla a siane mme, e re, ne a palama leoto la me a bo a baya lebogo la gagwe go ntikologa, mme ene ke mosetsanyana wa ga ntate. Mme o ne a ntlamparela. Mme Sarah yo monnye ne a tlola a tswa mo bolaong ka dipejamanyana tsa gagwe mme ne a tle, e re, a tla a siana go latela. Ene ke yo monnye yo o matlho marokwana.

⁴¹ Becky yo monnye ne a tle a re, “Ao, Sarah, ga go na letlhoko la gore o tle, ka gore ke tshwere Ntate gotlhe ka bona. Ntate ke wa me gotlhe!” Mme Sarah yo monnye, dipounamanyana tsa gagwe di ne tsa wela ko tlase, matlhonyana a gagwe a marokwana a ne a tswalega. Ke ne ka kaya *jaana* mme ka ntsha lengole le lengwe, mme o ne a tla a bo a le palama.

⁴² Becky o na le maotle a maleele go feta, jalo he a ne a tle a fitlhe mo bodilong. Sarah yo monnye o ne a tlogatloga, jalo he ke ne ka baya mabogo otlhe go dikologa Sarah. Sarah yo monnye o ne a leba ka ko go Becky a bo a re, “Becky, o ka tswa o tsere Ntate gotlhe, fela Ntate o ntsere gotlhelele!”

⁴³ Mme ke akanya gore eo ke tsela e go leng ka yone fano. Re ka tswa re sa itse gotlhe ga thuto ya bodumedi le ditumelo le mafoko otlhe a matona a Segerika, setlhophapha sena sa batho se ka tswa se sa itse. Fela go na le selo se le sengwe se se tlhomameng, ke dumela gore Jesu o *re* tshotse rotlhe. Amen.

Go siame, Mokaulengwe Neville.



PÊÔ YA BATI AKONE TSW58-0720E

(The Placing of Deacons)

TATELANO YA TSA BOITSHWARO, TOLAMO LE THUTO TSA KEREKE

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo maitseboeng a Letsatsi la Tshipi, Phukwi 20, 1958, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org